

# E C S O D U S.

fuidh: Agus feuch, *ata* Aaron agus Hur maille ribh: efan aig am bi cùis 'fam bith, thigeadh e d'an ionnsuidhsan.

15 Agus chaidh Maois suas do'n t-sliabh, agus chòmhdaich neul an sliabh.

16 Agus chòmhnuich glòir an Tighearn<sup>a</sup> air sliabh Shinai, agus chòmhdaich an neul e fè laithean: Agus dh'éigh e re Maois air an t-seachdamh là a meadhon an neoil.

17 Agus *bha* foillseachadh<sup>b</sup> glòir an Tighearna mar theine dian-loisgeach air mullach an t-sleibh ann an fùilibh chloinn Israeil.

18 Agus chaidh Maois a steach 'am meadhon an neoil, agus chaidh e suas do'n t-sliabh: agus bha Maois 'fan t-sliabh dà fhichead là agus dà fhichead oidhche.

## C A I B. XXV.

**A** GUS labhair an Tighearna re Maois, ag ràdh,

2 Labhair re cloinn Israeil, gu'n d' thoir iad a'm' ionnsuidh tabhartas: o gach duine a bheir seachad gu toileach e le chridhe, gabhaidh sibh mo thabhartas.

3 Agus *is* e so an tabhartas a ghabhas sibh uatha; òr, agus airgiod, agus ùmha<sup>c</sup>.

4 Agus gorm, agus corcur<sup>d</sup>, agus scarlaid, agus anart<sup>e</sup> grinn, agus *sonnadh* ghabhar,

5 Agus croicinne reitheachan air an dath dearg, agus croicinne bhroc, agus fiodh fitim,

6 Ola chum soluis, spìofraidh

chum ola-ungaidh, agus a chum tùise deadh-bholaidh,

7 Clachan onics, agus clach-an re'n cur anns an ephod, agus 'fan uchd-éididh.

8 Agus ni iad dhomh *ionad* naomha, agus gabhaidh mise còmhnuidh 'nam measg.

9 A réir gach ni a leigeas mise dhuit fhaicinn, *a réir* samh-laidh<sup>f</sup> a' phàilliuin, agus samh-laidh airneis uile, cadhon mar sin ni sibh.

10 Agus ni iad àirc<sup>g</sup> do fhiodh fitim: dà làmh-choille gu leth<sup>h</sup> a fad, agus làmh-choille gu leth a leud, agus làmh-choille gu leth a h-àirde.

11 Agus còmhdaichidh tu thairis i le h-òr fìor-ghlan, a fìgh agus a muigh còmhdaichidh tu thairis i; agus ni thu òirre coron<sup>i</sup> òir m'an cuairt.

12 Agus ni<sup>k</sup> thu air a son ceithir failbheagan òir, agus cuiridh tu *iad* air a ceithir oisinnibh; agus *bithidh* dà fhailbheig air aon taobh dh'i, agus dà fhailbheig air an taobh eile dh'i.

13 Agus ni thu bataichean<sup>l</sup> do fhiodh fitim, agus còmhdaichidh tu thairis iad le h-òr.

14 Agus cuiridh tu na bataichean anns na failbheagaibh air taobhan na h-àirce, chum an àirc a ghiùlan leo.

15 Ann am failbheagaibh na h-àirce bithidh na bataichean: cha ghluaisfear uaithe<sup>m</sup> iad.

16 Agus cuiridh tu 'fan àirc an fhianuis<sup>n</sup> a bheir mise dhuit.

17 Agus ni thu cathair-thrò cair<sup>o</sup> a dh'òr fìor-ghlan; dà làmh-

<sup>a</sup> ghabh glòir an Tighearna còmhnuidh. <sup>b</sup> sealladh, cosamhlachd. <sup>c</sup> unga-  
prais. <sup>d</sup> purpur. <sup>e</sup> lion-eudach. <sup>f</sup> deilbh, cumaidh, saimpleir, cos-  
<sup>g</sup> cobhan, ciste. <sup>h</sup> dà làmh-choille agus leth làmh-choille. <sup>i</sup> crùn. <sup>j</sup> measg.